

鞏縣知縣李述武纂修

地理志

做班史星野叙於地理志各國之首不另立天文志以星野係一郡邑不得專之猶武功安陽靈壽等志例也沿革做續通志表及應郡志表而取郡志古蹟內夏伯國四條入焉為邑先紀其大者庶展卷瞭然非變前人例也疆域後仍附載河灘地以事關政治做閩粵海灘江南蘆洲例不嫌瑣碎也志地理

星野

鞏縣志

第一冊 卷之二

地理

六

鞏於周為鶉火之次

前漢書地理志周地七星張之分野也今之河南雒陽穀成平陰偃師鞏縣是其分也自柳三度至張十一度謂之鶉火之次周之分也

施郡志按鶉火之次分初中終以柳占十三度半七星占六度太張占十七度太故初柳七中七星七終張十四也柳接商洛之陽接南河上流當今郡城以西七星係軒轅中嶽象當今郡城以東舊府志謂鞏城以東諸城屬於柳居多以西諸城屬於星居多

沿革

鞏在夏時爲夏伯國

名勝志鄆城在鞏縣西南禹封夏伯於此史記自洛汭延至伊汭有夏之居也

又爲陽無固

汲冢周書武王謂太公曰吾將因有夏之居史記武王問周公曰自洛汭延於伊汭居易無固其有夏之居我南望二塗北望嶽鄆顧詹有河粵瞻洛伊毋遠天室

施邨志按周書所謂陽無固者鄆城別名也其城正在洛汭伊汭之間或以陽無固爲登封陽城陽城在嵩高南洛汭伊汭俱在嵩高北何得以陽無固爲陽城蓋陽

鞏縣志

第一册

卷之二

地理

七

城亦在鄆城封內故禹避舜之子於陽城示欲守舊封之意竹書舜命夏后有事於太室太室鄆山鎮也在禹封內故主其祀迨武周營洛詩詩無遠天室者其亦徵諸鄆城歟鄆於夏又爲斟鄩氏於周又爲鄆羅之邑其後或以鄆名或以羅名實一地也于今爲羅庄在鞏西南五十里

又在夏爲斟鄩國

竹書紀年帝太康即位居斟鄩敗於洛表并入居斟鄩帝仲康即位居斟鄩徐養按前漢書臣瓚註曰斟鄩在河南汲鄆古文太康居斟鄩又左傳鄆尋註河南鞏縣

有地名中括地志故鄆城在洛州鞏縣西南五十八里
書序曰太康失邦昆弟五人須於洛汭此即大康之居
為近洛也襄四年傳曰夏之方衰也后羿自鉅遷於窮
石晉地記曰河南有窮谷羿國於有窮者即此也漢志
北海平壽縣臣瓚引汲冢古文太康居斟鄩羿亦居之
時斟鄩又自河南遷北海也孔氏書疏曰羿廢太康猶
立仲康不自立則是時羿居斟鄩而立仲康故仲康亦
居斟鄩也施府志鄩子皐極經世曰仲康崩相繼立依
同姓斟灌斟鄩氏二國夏同姓則斟鄩之封當在禹時
禹以故邑封同姓守其宗社人民後世遂於此即位耳

鞏縣志

第一冊

卷之二

地理

六

地理志北海有斟縣郡國志平壽有斟城獨臣瓚漢書
註斟鄩在河南非平壽也書序太康弟五人須於洛汭
是太康之居為近洛也綱目前編謂太康城於鉅服東
南而居之即今開封太康縣豈太康居斟鄩又遍於羿
而別為是城與水經註於河南鄩地指為鄩城又為鄩
中至平壽則又曰既為依斟鄩明斟鄩非一居未可
捨此考名專彼為是善乎其為通方之論矣

又夏為有洛氏國

尚書五子之歌太康畋於有洛之表
〔汲冢周書有洛氏宮室無常池園廣大工功日進以後更前民不得休

讀史公周本紀而誤者也周本紀曰考王封其弟於河南是為桓公以續周公之官職桓公卒子威公代立威公卒子惠公代立乃封其少子於鞏以奉土號東周惠公史記本窵考主封桓之始未而言之而自桓及惠已至顯王之世矣何得為考王時已有東周公之封也徐廣前漢書註周比亡時凡七縣河南洛陽穀城平陰偃師鞏緱氏

戰國時半屬韓

戰國策蘇秦說韓王韓有鞏洛之險

史記莊襄元年

蒙騫伐韓韓獻成寧鞏

鞏縣志

第一冊 卷之二 地理

三

按左襄二二年孟獻子請城虎牢以備鄭材註虎牢舊鄭地今屬晉十三年諸侯之師成虎牢晉師城梧及制杜注梧制皆舊鄭地晉並取之不獨虎牢曰歸竟未歸也則虎牢以西至鞏伯封界自襄工以後皆屬晉矣昭二十六年晉師納王知鞏奇躒首克鞏伯遂逐子朝迎王晉師從已地凡也其後韓分晉地鞏地遂半屬韓與東周君分鞏而治東周既滅其所保七縣皆為秦所有韓之鞏是年亦即歸秦矣

秦屬三川郡為洛陽東境

漢置鞏縣屬河南郡

魏仍之

晉屬河南尹

劉宋屬河南郡

東魏天平改屬成臯郡

北齊廢

隋開皇十六年復置屬河南郡

唐屬河南府河南縣

唐書地理志鞏畿

宋屬京西北路河南府

施府志永安城太祖父昭皇帝塋於此曰永安陵景德中割鞏偃二縣置邑以奉陵寢後為永安軍又方輿紀要又有南城軍紹興二年岳飛遣諸將收復河南楊選復南城軍張憲復永安軍是也

金屬金昌府改永安軍曰芝田屬金昌府元廢

鞏縣志

第一冊 卷之二 地理

七

元屬河南府路廢芝田入鞏縣又改鞏縣為軍州萬戶府

元史至正二十年改鞏縣為軍州萬戶府招民屯糧

明屬河南府

國朝因之

疆域

縣在府東一百三十里東至汜水縣界三十里至汜水縣四十里西至偃師縣界三十里至偃師縣六十里南至登封縣界五枝嶺八十里至登封縣一百二十里北至溫縣黃河界二十里至溫縣二十五里東南至滎陽縣萬山六十里至滎陽縣八十里東北至汜水縣黃河界

四十里西南至登封界粵嶺八十里至登封縣一百一十五里西北至孟津縣界七十里至孟津縣八十里東至省城開封府二百九十里北達

京師一千八百里廣一百里袤一百二十里

附灘地界

乾隆五年鞏溫二縣會詳撫院雅批定鞏溫黃河灘地界址東至寥子峪汜界起西至支家峪止寥子峪至金溝鞏得地南北長五里二百四十弓至溫界洛口鞏得地南北長七里一百八十弓至溫界自桃峪溝起至七里舖止鞏得地東長九里至溫界西長七里至溫界神

鞏縣志

第一冊 卷之二 地理

三

堤大王廟地字六號起至八號止東西寬三里鞏得地南北長四里二百一十弓至溫界又自地字九號起至十四號止東西寬五里三百二十四弓鞏得地南北長四里四十二弓一尺至溫界又自石板溝起至支家峪止東西十一里寬鞏得地南北長二里三百四十七弓三尺至溫界乾隆八年河洛二縣詳准撫院碩批定鞏孟黃河灘地界址東至虎朋溝西至羊峪溝偃界止塢坡村灘地南除護山地二百四十弓外鞏得地南北長一千零七十弓至孟界趙家溝灘地南除護山地二百四十弓外鞏得地南北長九百六十九弓一尺至孟界

其於木蘭海子家溝馬峪溝和放等處均與孟縣以河為界

乾隆四十七年蒙 上憲斷案下家溝張家後是為界

惟家溝黃河與溫孟二縣以河為界

形勢

李道... 接成畢西連古毫

孟縣志

第一冊 卷之二 地理

三

孟縣志卷之二